

Колхоз СЮРЕС

ВКП(б)-лэн Кезской Райкомезлэн но Райисполкомлэн органзы

Пятница

1

СЕНТЯБРЬ

1939 ар

№ 81 (1275)

8-тй арзэ потэ

Дуныз 5 копейка

XXV Международной юношеской нунал—фашизмлы но войналы пумит нюр'яськон понна революционной егит'ёслэсь кужым'ёссэс огазеян но единой народной фронтэз юнматон нунал.

XXV Международной юношеской нунал

Туэ аре быдэс дуннеьсь трудящейся егит'ёс Международной юношеской нуналэсь 25-ти годовщиназэ пумитало.

Международной юношеской нуналэз ортчотон сярсь решение кутэмын вал егит'ёслэн социалистической организациосылэн Бернской (Швейцария) конференциязы, куд'рз состоятьс кариськиз 1915 арын Ленинлэн предложениез'я. Соку гневой завеса пяртй, буржуазиялы вузаськем социал-демократической вождьёслэн пбям'ёссылэн пелена пыртйзы кровавой империалистической войнае куштерм рабочийёс кылйзы Ленинлэсь но большевик'ёслэсь революционной призывэс империалистической войнаез гражданской войнае берыктон сярсь Ленин но Сталин юношеской движениез солэн улонзлэн жужан дыр'яз ик юнматйзы, соос юной нюр'яськисьёсты закалять карйзы, дышетйзы вуоно классовой битва азелы.

1939 арын Международной-юношеской нунал напряженной международной обстановкалэн знак улаз ортче.

Фашистской агрессор'ёс выль мировой пожарез жутыны туртско, фашистской варвар'ёс человечестволы гибелез но начарез вад. Егит покотенилы соос дасязы куралдыса улонзэ но лишениез.

Фашистской странаосын школаос казармаосы, нош дышетон—военной муштрае превратить каремын. Фашист'ёс сю сюрсэн ляд'яськись егит юношаосты военной укрепленности лэстыны люкало. Итальянкой фашист'ёс асьсэлэсь егит'ёссэс жалятэк быдто лядтэм фронт'ёсын, куд'ёсыз направить каремын грабительской, империалистической интерес'ёлы. Военно-фашистской Япониян 14-15 арес'ем юношаосты бесчеловечной эксплуатация улэ шедьтыса калекаосын но инвалид'ёсын каре.

Трудящейся егит'ёслы фашистской режим ненавистноен луэ. Соин ик фашизмлы но империалистической войнаослы пумит нюр'яськон лозунг, демократической свобода понна, капиталистической странаосысь трудящейся егит'ёслэн экономической но политической правоосы понна, Советской Союзэз—международной пролетариатлэсь великой родиназэ защищать карон понна лозунг—юной борец'ёслэн миллионэн ско-

лэм'ёсазы ялан трогес пбсь откликез басьтэ.

Быдэс дуннеьсь трудящейся егит'ёс оскыса но шумпотыса учко асьсэлэн брат'ёссы но сузэр'ёссы вылэ—победившой социализмлэн странаысьтыз егит'ёс вылэ.

Асьме егит поколенимылэн улонзэ пумт а шулдыр. Соос азын усьтэмын ваньмыз возможностьёс: партия но правительство егит'ёсты воспитать каронлы кужымзэс но, средствозэс но уг жалало. Жог будо егитэсь советской интеллигент'ёслэн рабочийёслэн, крестьян'ёслэн, служащойёслэн нылпиоссы. Социалистической строительстволэн пфртэм областьёсзэ, кытын реализоваться кариське куниньмети сталинской пятилеткалэн планзэ, асьмеос адзиськомы кызы юной стахановец'ёслэн но стахановкаослэн, способной изобретательёслэн юной талант'ёссылэн, мужественной геройёслэн рад'ёссы будо, куд'ёсыз великой подвиг'ёсын прославлять каро асьсэлэсь мумызэс—социалистической родиназэс.

ВКП(б)-лэн XVIII-ти исторической с'ездэз аслаз решенияз комсомолэсь—партилэн осконо помощникэз коммунизмез лэсьгонин рользэ пус'из. Туэ аре 7-13 апреле ВЛКСМ-лэн центральной комитетэзлэн VIII-ти пленумез аслаз решенияз задачаосты пус'из, куд'ёсыз сыло комсомольской организациос азын.

Советской егит'ёс асьсэлэсь идейно-политической уровеньзэс жуто но марксизмлэн—ленизмлэн наукаеныз овладевать каро.

Советской юношаос но ныл'ёс—асьсэлэн социалистической родиназылэн преданной патриот'ёсыз. Родинаез тушмон'ёслэн посягательство-зылэсь возыманы понна соос сётэзы асьсэлэсь вань кужымзэс, вань тодэмзэс, способностьзэс, кулэ ке луиз улонзэс но.

Международной юношеской нуналэ советской егит'ёс асьсэлэн социалистической родиназылы, другзылы но дышетисьсылы, вань дуннеьсь трудящейёслэн вождезлы Сталин эшлы бадзым яратэмзэ демонстрировать каре.

Международной юношеской нуналэ асьмелэн егит'ёссы вань странаосысь трудящейёсын интернациональной связэз юнматэ.

ВЛКСМ—егит'ёслэн коммунистической интернационалзылэн азымынсь отрядэз.




Всесоюзной сельскохозяйственной выставка бадзым опыт сётэ

ВКП(б)-лэн райкомез но райисполком монэ Москвае Всесоюзной сельскохозяйственной выставкек асьсэз. Москвае вуыса Всесоюзной сельскохозяйственной выставкалэн политрук'ёсыз милемдыс туж умой пумитазы.

Всесоюзной сельскохозяйственной выставкек асьсэз улонзэ сизыса советской, правительстволэн главаез В. М. Молотов эш доклад лэстытэ. Молотов эшлэсь докладзэ выставкалэн участник'ёсыз, экскурсанг'ёсыз туж бадзым вниманиен кылкисы. Солэн докладзэ туж чем кичапкон'ёсын прерываться кариськылиз.

Мар мон адзи выставкаын? Всесоюзной сельскохозяйственной выставкаын мон адзи, что асьмелэн колхоз'ёсы сталинской пятилеткаослэн ар'ёсзэ экономически но хозяйственно прочно юнматэ. Асьмелэн колхозник'ёсмы, колхозницаосмы, совхоз'ёслэн рабочийёсыз, сельскохозяйственной специалист'ёс дышйзы ужаны по-стахановски, овладеть карйзы выль передовой техникаен.

Сталинской пятилеткаос чоже советской зерновой хозяйство исторической вормон'ёсты басьтэз. Котькуд аре 7-8 миллиард пуд юн'янь басьтон сярсь Сталин эшлэн указаниосыз уж вылын быдэсько. Алапаевской крайысь "Искра" колхоз гектарысь 65 центнер чабей басьтэз. Алтайской крайысь "Молодая гвардия" колхозын гектарысь 85,9 центнер чабей басьтэмын.



Московской, Рязанской но Тульской областьёслэн павильонзылэн внешней вицэз.

Пудо вордонлэн павильоназ колхоз'ёсысь но совхоз'ёсысь азымынсь фермаослэн ужамзы возыматэмын. Ростовской областьысь "Сталинский путь" колхозлэн ОТФ-яз 10.000 йыр ыж'ёс ляд'ясько. Та колхоз 1937 арын овцеводческой товарной фермалэсь 898.497 манет доход басьтэз. Колхозник'ёс но колхозницаос трудоденьлы 4 манет но 55 копейка коньдон но 4,66 килограмм юн'янь басьтэзы.

Смоленской областьысь одиг колхозлэн Симментальской порода скалзы, араз 10.076,9 литр йдл сётэ. Та областьысь ик "Червоная Заря" колхоз одиг скаллэсь 10.939 литр йдл басьто.

Выставкаын озы ик возыматэмын наукалэн достиженосыс.

Всесоюзной сельскохозяйственной выставкек асьсэз Удмуртиялэн павильоназ асьме районьсь "Луч" колхозлэн гектарысь 18-20 центнер ютысь но 12,4 центнер етин басьтэз возыматэмын. Туж умой возыматэмын та колхозысь полеводческой бригадалэн бригадирезлэн В. Ф. Ивановлэн но звеньеводкалэн А. П. Иванова эш'ёслэн ужамзы.

Москвае Всесоюзной сельскохозяйственной выставкек асьсэз ветлэм бере мон асьме курсэ ветлэмен чувствовать карисько. Выставкаысь адзем опыт'ёсты мон Кезской районьсь колхоз'ёслы передать карыны нюр'ясько.

Трефилов.

Всесоюзной сельскохозяйственной выставкаын

БУСЫОСЫСЬ ИВОР'ЁС

Ю октон-калтонзэс быдэстйзы

Ю октон-калтоньн социалистической соренованиез паськыт нуэмен 29-ти августозь асьме районьсь гаче колхоз'ёс тысё но технической культураоссэс октыса-калтуса быдэстйзы:

1. Ярунь колхоз — председателез Касаткин.
2. Дырпавож—Марков.
3. Трифаново — Перевозчиков.
4. Вортчамувыр — Жигалов.
5. Гондрожур — Мосов.
6. Спиленыши — Лекомцев.
7. "Заря" — Белослудцев.
8. В-Сыга — Бутолин.
9. Таганшур — Главатских.
10. Кваляшур — Селиверстов.
11. Филинцы — Жигалов.
12. Дынгырлуд — Селиверстов.
13. Сыгатупал — Иванов.
14. Чуя-Озон — Русских.
15. Плесо — Матушкин.
16. Польшан — Жигалов.
17. Мельничное — Городилов.
18. Очаньпи — Наумов.

Азымынсь колхоз'ёс пöлысь одйгез

Дырпинской сельсоветысь Ярунь колхоз зегез, валэс юосты но технической культураосты октон-калтонзэ азинлыко быдэстйз. Та колхозлэн зегез но валэс юэз 123 гектар, етинэз 18 гектар киземын вал. 25 август азелл 123 гектар выльсь юн'янь 100 процентлы ик октэмын калтэмын. Со сян та нунал азелы ик зег кизён, етинэз вöддон но 100 процентлы ик быдэстэмын.

Октон-калтонзэ вакчи дыре, выль качествен орчтонлэсь значенизэ валаса тросэз колхозник'ёс но колхозницаос ужан нормаоссэс мултэсэн быдэсьялызы.

Касаткин, Дерендяев но Андреев.

Нормаоссэс мултэсэн быдэсьяло

Тортым сельсоветысь Р-Зязьгор колхозысь колхозник'ёс: Васильев Егор Иванович, Мосова Акунина Васильевна, Дементьева Василка Егоровна но Лекомцев Аркадий Степанович ю-октон калтоньн азымынсьёсын луо. А. В. Мосова но В. Дементьева культу кертгылоньн 0,3 га интые 0,5-0,7 га керттыло, А. С. Лекомцев 4 га интые жнейкаен 6 га ара.

Поздеева.

Огзылы огзы юртэт сётон сярсь англо-польской соглашение

Лондон, 25 августэ (ТАСС). Рейтер агенство радио вамен ивортэ, что иностранной уж'ёс'я министерство опубликовать кариз Англия но Поль-

ша куспын огзылы огзы юртэт сётон сярсь соглашениез.

Та соглашение вить арлы тупатэмын.

Допризывник'ёслэн совещанизы

30-ти августэ Кез военкоматлэн помещенияз 1918-ти арлэн кыктэти половинаяз но 1919 аре вордскем допризывник'ёслэн международной положение сярысь но МЮД-эз праздновать карон сярысь доклад'ёсын совещанизы ортчиз. Международной положенне сярысь умой доклад лэстыиз допризывной пунктлэн комиссарез М. Иванов эш. Со вераз бадзым международной политической значениз Советской Союзлэн Германиен огод вылэ огод нападаты каронтэм вылысь договор гожтэмез сярысь, Япониялэн Германия азын обстановказе усложнятыся кариськемез сярысь.

Асьме яратоно Красной Армиен чош ик, — шуиз Иванов, — родинамылэн границаосызлэсь непрокосновенностыёс колхозник'ёс но рабочийёс но кужмо возмало. Сотэк-а алигес наградить каремын границаез защищать каремын понна колхозник'ёс но рабочийёс. Отсы ик валано, что Красной Армиын гинэ бдительной бодл луоно, озы ик бдительной луоно колхоз'ёсын но предприятиосын но.

Ти азын с ы л э али задача — валэктны колхозник'ёс пблын международной положениез, СССР-эн Германиен куспн гожтэм договор сярысь, изучать кароно СССР-лэн Верховной Советэзлэн IV-ти сессиезлэсь материал'ёссэс но главноез — допризывник'ёс вань общественной уж'ёсын, юнгес но ю октон-калтонын, азымынсь-

ёсын луыны кулэ. Соин ик асьме районмес октон-калтон'я бере кылёнысь азымынсь поттомы.

25-ти международной юношеской нунал сярысь доклад лэстыиз ВЛКСМ-лэн Кезской райкомезлэн секретарез Красноперов эш. Со призвать кариз, чтобы МЮД-эз бадзым политической под'емен ортчытыны.

Доклад бере прениын вераскисыёс пус'ызы, что призывлы дасяскон умой-умой пунктэмын бодл на. Туэ призываются кариськисыёс пблын 4 мурт эшино неграмотнойёс вань на. Допризывник'ёс пблысь 20 процентэзлэн но кыче оборонной значок'ёсы но бодл. Райпотребсоюзын ужась допризывник Н. Корепанов прениын вераз, что осовави-химлэн первичной организациосыз оборонной значок'ёслы нормаос сёт'яң'я ляб ужало. Соин сэрэн ик значкист'ёслэн лыдыз уг буды.

Совещание кутыз решение — призыв дорозы вань кылем дырез кутыны солы, чтобы котькудыз допризывник Красной Армии мед мыноз одиге но оборонной значокен, луыны физически здоровоен, допризывник'ёс активно юртыны кулэ азинлыко быдэстыны район'я ю окгон-калтонэз, государство азын вань обязательствоосты, нуналмысь нуыны кулэ массово-раз'яснительной ужез интыосысь совет'ёсы быр'ён'ёс сярысь.

Допризывник
В. Булдаков.

Бадзым шумпотонэн

6-ти августэ, ми Первой Отдельной Краснознаменной Арминысь красноармеец'ёс праздниками исторической годовщинаез. Ар талэсь азы-выл та нуналэ бесстрашной красноармеец'ёс, командир'ёс, политработник'ёс генеральной атакаен уллязы Заозерной сопка вылысь японской захватчик'ёсты.

Милям бадзым шудмы — служить кариськомы Первой Отдельной Краснознаменной Армиын. Красной Армия — со бадзым школа. Татын ми изучать кариськомы ВКП(б)-лэсь историзез, XVIII-ти пар-

тийной с'ездлэсь материал'ёссэ.

Красной Армиы кулэ политически грамотной. Физически тазалыко боец'ёс. Соин ик ми туэ призываются кариськисы допризывник'ёсты отиськомы, чтобы Красной Армии призывез — егит'ёслэсь бадзым шумпотон нуналэз пумитаны быдэс дасьлыкэн. Октябрьской революцилэн 22-ти годовщинаез азе каждый допризывниклэн мед луозы ВС, ПВХО, ГТО но ГСО значок'ёсыз.

Красноармеец'ёс
Д. Ложкин. Ф. Русских но
Н. Никитин.

Кез сельсоветысь Б-Кез колхозын али но малпало на ю-нянь возён склад'ёсты лэстыон сярысь. Соин ик ю-тысь кистыны склад'ёс бодлэн сэрэн деткомбинатлэсь помещениз занять каризы.



Колхозлэн председателез: — Одиг но бм вителэ...

Зегуд сиись нумырен жегатскытэк нюр'яськоно

Установить каремын, что Тортымской, Ст-Сирийской но мукет сельсовет'ёсысь колхоз'ёслэн луд'ёс вылазы вань зегуд сиись нумыр. Чик могатэк колхоз бусыосысь со нумырез быдтоно. Соин ик каждой сельсовет'ёсысь, колхоз'ёсысь председателёслы, агротехник'ёслы вискарятэк нуналлы быдэ эскероно колхоз бусыосты. Шараям нумыр'ёсты туртсконо быдтыны.

Зегуд сиись нумырез быдтыны тазы луэ:

1) Заразиться кариськем площадез котырак котыртоно канаваен. Канаваез мед луоз 20-25 см. паськытэз но мурдалаез. Канава дур'ёсыз мед луозы чошкыт, сое тулатоно лопатаен. Нош канавае каждой 5-8 метр кузьдалаез копано колодча, колодчалэн мурдалаез мед луоз 20 см. Колодчае усем нумыр'ёс потыны уг быгато. Колодчае усем нумыр'ёсты трамбовкаен трамбовать кароно (канаваез эскероно котькуд нуналэ);

2) Луэ быдтыны ядэн. Ядэн быдтыны понна кулэ вож картовка куар, клевер турын, либо вож пот. Соосты вечи гинэ кораса огравить кароно ядэн. Ядлэсь растворэз лэстытоно тазы: 10 литра вулы кулэ басытыны 300 грамм кремнефтористой натри, либо 100 грамм парижской зеленец, умойлы понна ватсаны кулэ 15-25 гр. пызь. Со растворен коттоно векчи корам вож турынэз, 10 килограммлы кулэ киськаны 2-3 литра. Отравить карем турынэз куяно заразиться кариськем площаде 4-5 кв. метре 100-150 грамм (куяно жытазе).

Пудо-живот возыны отравить карем площадьюн уг яра. Отравить карем турынэз сиыса кулозы. Соин ик пудо-живогэз зол возмано.

Райзолэн заведующеез
А. Трефилов.
Ст. агроном Лекомцев.

Японилэн Южной Америкае вуз келянэз кулэсме

Японилэн Южной Америкае странаос куспн вузкаронэз туж кулэсме. „Джапан кроникл“ журнал гожтэ, что 1939 арын Япониясь Бразилие вуз келян 20 процентлы кулэсмиз, нош Бразилие Япония вуз ваён 2,5 процентлы кулэсмиз. Бразилия куспн вузкаронлэн общей об'емез кулэсмиз 7 процентлы. Япония трослы кулэстыз Бразилие хлопк, кофе, какао, растительной вай но мукет вуз'ёсты ваёнэз.

Парагвайын но мукет странаосысь вуз'ёсты ваён туж кулэстэмын. Соин валче Японилэн Парагваен вузкаронэзлы бадзым удар луэмын.

Япония но Аргентина куспн вузкарон быдэсэз сямен дугдытэмын.

26 августэ (ТАСС).

Японской авиация мирной город'ёс вылэ варшарской налет'ёсты лэстытылыса трос нылкышноосты, пинал'ёсты но пересыёсты выылэ.



Суред вылын: Бомбардировка дыр'я раниль карем юноша.

Иностранной печать огод вылэ огод нападаты каронтэм вылысь советско-германской договор сярысь

С Ш А

Нью-Йорк, 24 августэ. (ТАСС). Огод вылэ огод нападаты каронтэм вылысь гожтэм советско-германской договор сярысь ивортонлы американской печать туж оживленно вазиськыз.

Тодмо американской журналистка Дороти Томпсон радио пыр речен выступить карыса вераз, что СССР-ен но Германиен куспн огзы вылэ огзы нападаты каронтэм вылысь гожтэм договор Советской Союзлэн туж бадзым дипломатической вормонэныз луэ.

Тросэз корреспондент'ёс лыд'яло, что договорез заключить карем мюнхенец'ёслы юн отпор сётонэн луэ, куд'ёсыз Германияез Советской Союз выдэ узатыны туртско вал.

„Нью-Йорк дейли ньюс“ газет гожтэ, что огод вылэ огод нападаты каронтэм вылысь гожтэм советско-германской пакт войналэсь угрозаез кулэстэ.

Газет пус'е, что та договор США-лы выгодной луэ сон, что со Японилэсь позицияез лябомытэ. Тини озы гожтэ газет, „косвенно советско-германской договор США-лы выгодной луэ, поскольку Япония асьмелэн вероятной противникенымы луэ“.

Италия

Рим, 24 августэ. (ТАСС). Итальянской печать СССР но Германия куспн огзы вылэ огзы нападаты каронтэм вылысь договор гожтэмез туж бадзым значенио событиез кадь дун'я. Итальянской газет'ёслэн Берлинысь корреспондент'ёсы асьсэлэн сообщениосазы пус'е, что Германия договор гожтыны Советской Союзэн кариськыз Италиялэн советэз'я но солэн быдэс согласиез'я.

Китай

Чунчин, 25 августэ. (ТАСС). Китайской газет'ёс туж шумпотыса гожто Германиен но Советской Союзэн куспазы огзы вылэ огзы нападаты каронтэм вылысь гожтэм договор сярысь.

„Джунянжибао“ газет гожтэ, что Германия но Советской Союз куспн огзы вылэ огзы нападаты каронтэм вылысь гожтэм договор жуге Япониез, малы ке шуоно „Япониез изолировать карон эшино но кужмо“.

Шанхай, 25 августэ (ТАСС).

„Дзунмэйжибао“ газет гожтэ, что Советской Союзэн но Германиен куспн огзы вылэ огзы нападаты каронтэм вылысь гожтэм пакт „туж зол шукке Япониез“.

„Чайна пресс“ газет передовой статьяз ивортэ: „Антикоминтерновской пакт огшоры бумагалы пбрмиз. Нош куинь странаен гожтэм военной союз (Германия, Италия но Япония) невозможноем луоз, кудыз тужгес ик зол лябомытоз Япониез“.

Латвия

Рига, 25 августэ (ТАСС). Вань латвийской газет'ёс туж трос гожто огод вылэ огод нападаты каронтэм вылысь гожтэм советско-германской договор сярысь. „Ритс“ газет гожтэ: „Договор возматэ, что антикоминтерновской пакт бодл ни“.

Япония

Токио, 25 августэ. (ТАСС). „Домей Цусин агенство аслаз радио пыр ивортоназ вера, что Япониясь газет'ёс трос верасько СССР но Германия куспн огод вылэ огод нападаты каронтэм вылысь гожтэм договор сярысь.

„Иомиури“ газет гожтэ антикоминтерновской пакт вань вылысь Япониен чик вераськытэк Германилэн действиосызылы но кыче „оправданиос бодл“. Газет пус'е, что антикоминтерновской пакт аслэстыз значенизэ выштыз.

„Кокумин“ газет передовой гожтэ, что ангикоминтерновской пакт кулэм буква-лы пбрмиз.

Японо-германской отошениос

Токио, 25 августэ (ТАСС). Домей Цусин агенстволэн ивортэмез'я, японской министр'ёслэн кабинетсы СССР-ен но Германиен куспн огзы вылэ огзы нападаты каронтэм вылысь гожтэм договор пумысен туннэ германской правительстволы протест ялыны решить кариз.

Та решение валче иностранной уж'ёс'я министр Арита туннэ ик Берлинысь японской посоллы Осималы инструкциос ыстыз германской правительстволы протест ялыны понна.

Отв. Редактор Н. ДАНИЛОВ.
Поттысь райисполком